

ዎሲ ጳውሎስኒ ሄፕሳ ዎስያ ቆሮንጦሲኪ አሱኒ ሜያክ ጋችግሩ

ጳውሎስ ቆሮንጦሲኪ አሱኒ ሜያክ ትችና ሄፕሳን ዎስያስ ትቼናስ ቆሮንጦሲኩክ ፋ ቤቴክርስታኒስ ባርኔን እነ ፋ እሳር ሰንናስ አካማኖን ራክኮ ሰንና ፋና ካባሲክዋ። እሳ እሳ ቤቴክርስታኒስ ፊሴ ሜያ ጳውሎስኒን አካማኖን ቱጋኤት ፊሴቴር ሰኒፋናክኑ ጋኖኒ ችዋ ኤጼ ዮክ አካማኖን ሾሌሬ ፊር ሰኒባሶንቱ ቤሰፋ። ኤስ ባር ሰኒፋና ካባሲክ አካማ ግራ ግሮናማቶቹ ማኬፌ።

ዎስባስ ቴሱኒ ክፍሊሰታ ጳውሎስ ቆሮንጦሲኩክ ፋ ቤቴክርስታኒስኔን እነ ፋ እሳር ሰናሶን ማኬፋት ቤቴክርስታኒስ ካቢ ሜኣሴዋ ቱጋኤሴ አሲክ አዉኒ ቦርአ ችማ ዎልጉ እምናማቶቹ ቤሰፋ። ኤስ ባርኔን እነ ቱሰሬ ባሳ ችማ ኬኦስ ሀርሙሶነክናዋ ጋኖኒ ኡግናስ ባሶትን ዞንሰናማቶ ግራባሶን ቤሰፊ። ቱሰሬ ደይ ዩዳክ ፊሴ ክርስታናኒ ሜያኖን አሪጋሱክ ግራክ እምነክ ባሶክ ኪትት ፊር። ኮእኒ ኤዴሲክቶስ ደይ ጳውሎስ ዎሲ ሰኒባሲክ ፋቶኒ ዎሲ እኖዋ ይሴፊ ጋሮ አሱኒ ሜያ ቱጋኤሴቴ ቦርአ ባሶክ ዎልጉባ እሚ።

ማፃፋሲ ሰሩክ ኤጸባስ

ጋችግሩ 1:1-11

ጳውሎስናዋ ቆሮንጦሲኪ አሱኒ ሜያ 1:12—7:16

ዩዳክ ፊሴ ክርስታናኒ ሜኒ አሪጋሱ 8:1—9:15

ጳውሎስ ዎሲ ሰኒባስ ሀእሱኒ ሁግናሰታ ካቢ ቱጋኤሲክ እምና

ዎልጉ 10:1—13:10

ኮርኤባ 13:11-14

¹ ሀኦሲ ፍቃድክ የሱስ ክርስቶስኒ ዎሲ ሰና ጳውሎስኒክንናዋ አይኒ ሰና ትሞትዮሰኒክና፤

ቆሮንጦሲኩክ ፋ ቤቴክርስታኒሲክናዋ ኤሲሰማቶ አካያኒ ዳ ዙታምባሴ አሲሰታ ፊሴ ክርስታናን ሜያ ዙታምቤሲሴ አሲክና፤

² እባን ሰንና ሀኦሲሰኪን፤ ዳም የሱስ ክርስቶስኒኪን ሀኦሲ አቱምነዋ ናጋን ንቶክ ሰንፋውቻዋ።

ጳውሎስ ሀኦሲክ እምና ጋላታ

3 ፋኪን አባሲክናዋ እኖክ ችማሶን ዙትራ እምፋ ባርኪና ደይ ዳምኒ የሱስ ክርስቶስኒ አባ ሀኦሲክ ጋላታ ሰንፋውቻዋ።

4 እንኖ ሀኦሲኪን ዳንፌኒ ችማሲክ ሻናሰ ፌሴ ባሶ ዙታምቤሲሴ አሲን ችኦኒክ ሀኦሲ እኖሰታ ካርፋ ሻና ዙታምባሴ አሲክ እኖትን ችኒፋ።

5 ክርስቶስኒ ሻናሰ ሾዎኖን ሃኤኒሲማቶ ባሳ ችኦሶን ደይ ዳይሰራ ዳናኒ።

6 እንኖ ሻናሶን ኤጳ ታፊን ካባሲክ ንቶ ችምነዋ ፋሩኒ አሲን ዳነቲ። እንኖ ችምፌኒ ካባሲክ ንቶ ደይ እንኖ ኤጳታኒ ሻናሰን፤ ፋዪሶን ፋክያክ ኤጳ ታራ ችማትዋ።

7 እኖሰታ ካርኦ ሻናሶን ሃኤትሰነ ፋሮን እንኖ ችማሶን ደይ ሃኦትማቶ አሪፌኒ ቦርኦ ንቶሰታ ፋ አብድኒሰ አካማዋ።

8 አይኒ ሜያነ! ኢሰያኪ ዳሰታክ ፋኒ ካባሲክ እኖሰታ ካርኦ ሻናሶን አሩሶትክ ሾሌፌንዋ። ኤሰ እኖሰታ ካርኦ ሻናሰ ዎርኦክ ችምኖይኒ ፋያ ሰንና ቦርኦ ካክ ፎኒ አብዲሰኑ እኖሰታን ቡድራቱ ፋ።

9 ኤሲሲማቶ ክቱኒ ማቻሱኒ ካርኦ እኖሰታ ካቴናርነ ፋር ሰንናቱ እኖክ ቤሰቱ፤ ኤሰ ባር ዙታምባሴ እኖሰታ ካርኦናሰ አማነፌኒሰ ክቱኒ ሜያኖን ክቱኒ ካብግፋ ሀኦሶንታኖ እንኖ ሀግናሲክታ ሰንና ቤይባሶን ያዳቶኒክዋ።

10 ኤሰ ባሪ ቦርኦ ባር ክቱታ ካቱኒ አዳጋሰኒ እኖትን ፋኤ፤ ደይ ፋኦና፤ ሀንኔን ደይ እኖትን ፋኦናማቶ አብድኒሰ ባሳሰታዋ።

11 ንቶ ደይ እኖትን ሺጶኒትሲክ አሪጋሱትክ ሾልሰፋዋ። አካማ ሺጶሲክ እንኖ ሀኦሲ አሪጋሱኖን ዳንፌኒ ካባሲክ ሾዎ አሱኒ ሜያ ደይ እንኖ ቦርኦ ሀኦሶን ጋላቴሴፌዋ።

ጳውሎስ ኮፖባሶን ሶለ

12 ኤሴ እንኖ ቱቶኒክ ሾልሲ ወዛሰ ሀኒሰዋ፤ ኤሰ ባር ደይ ፋቶ ሰነባሶን ካኦኒሰ እኖክ ዛላዋ፤ እም አሱኒ ሜያክናዋ አሪክሮን ደይ ንቶኔን አነ ፋ እሳርኒሰ ሀኦሲኪን ዳኒ ኮርቶሴዋ ማአሴ አሲሰታቱ ዛግራ የሬ። ኤሰ ባር ደይ ሰንናሰ ሀኦሲ ኦትማክታኖ አሱኒ ቱችማክታዋ።

13 ፌሬትራ ያዳቶትክ ችማት ወዛሶንቱ ትችኒታኖ እሳንነ እማ ወዛ አነ ትቹዌንዋ። ዙታምባሴ አሲን ያዳቶትክ ችማትማቶ አብድ ዛግፋወቻዋ።

14 ሀሽ እንኖ ችዋሲክ አሪፌትሰ ባጋዋ፤ ሰቱንታኖ ኦርፎ ማእሰራ ያዳቶትማቶ አብድ ዛግፋዉቛዋ። ኤሰ ባሪ ቦርእ ዳም የሱሰ ዮና ዋኖ እንኖ ንቶክ ቴቴፌኒሰማቶ ንቶ ደይ እኖክ ቴቶት።

15 ኤሰ ባሮን ማእሰራ አሪና ቦርእ ሄፕ ኩሹኖን ንቶክ ኬአናክዋ እያት ዜምማ ንቶትን ያራ ብያናክ ኮፓኤራ ፋናር።

16 ንቶትን ብያናክ ኮፓኤናሰ ሜቀዶንያ ሀሚፋና ካባሲክናዋ ኤሰታን ዋላ ያፋና ካባሲክናዋ። ኤሲሲክ ዩዳኒ ዳ ሀማና ኡጉናሲክ ታን አሪጋሱትክ ሳፋሬራ ፋናርዋ።

17 ኤሰ ባሮን ኮፓኤራ ካብፋና ካባሲክ እዉ ዛጉናክ ሾልሰንናማቶ አረኖይ ኤክ ሀቛ ይት ፌ አሱነ ፌር ሰንና ንቶክ ቤሰቴዎሶ? ወደይ ኤሰ ባሮን ኮፓኤናሲክ፡- «ኤ! ወደይ እንዳነ» ይት ኤክ ሀቛ ኡክ አሱኒ ሳፋራክ ዛግናርነ ፋር ሰንና ንቶክ ቤሰቴዎሶ?

18 ሀኦስ አማናምቶ ሰንና ቦርእ እንኖ ደይ ንቶክ ማኬፌኒሰ፡- «ኤ! ደይ እንዳነ!» ይፋ ኤክ ሀቛ ኡኒ ካማክታዋ።

19 ታናዋ ሰላሰንና ደይ ትሞትዮሰ ሀኦሲ ና የሱሰ ክርሰቶሰኒን ንቶክ ማኬኒሰ ዋንና ዋንና፡- «ኤ!» ይፋ ካማክ ኮእባታኖ፡- «ኤ! ወደይ እንዳነ» ይፋ ኤክ ሀቛ ኡኒ ካማሲክ ኣፋ ሰናናዉዛ።

20 ሀኦስ እኖክ እምና አብዲሰ ዙቴራ፡- «ኤ!» ሰንናሰ ክርሰቶሰኒኪ ካሞዋ፤ ኤሰ ባሪ ቦርእቱ ሀኦሲ ኡልፍናክ ክርሰቶሰኒኪ ካሞ፡- «አሚን» ይፌኒዋ።

21 እኖትንናዋ ንቶትና ክርሰቶሰኒክ ችማ የርኒክ ዛግሰ ሀኦሰዋ፤ ዋሰቶክ እኖትን ኮሪስ ደይ ባርዋ።

22 ባሳር ሰኒሲክ ዛላ ሰኒ ማታማሶን እኖስታ እቻ ባሬዋ ሀንኔን እኖክ እምቶኒ ኦትማሲክ ንብኒሰ ኮርቶ አያናባሶን ዋሲ ዛግራ እኖክ እማሰ ባርዋ።

23 ታ ዋላ ቆሮንጦስ ዮ ቤይናሰ ንቶ ሱሞትክ ኣፋ ዛጉና ዉዛ ይራ ንቶክ ኬናሽቴፋትዋ፤ ኤሰ ባርኪ ደይ ሀኦሲ ታክ ዛላዋ።

24 ንቶ አማንቶኒትሲክ ችም ሰንነት ቦርእ ንቶትን ግርሱንክ ንቶኔን አነ ዋሰቶኒሰታኖ አማንቶኒትሲክ ኣፋ ንቶትን አጃጃኒ ዉዛ።

2

1 ኤሴ ንቶ ሱሞትክ ዛጉኖይናማቶ ሳፋሮክ ንቶትን ብያክ ዋላ ኣፋ ዮናዉዛ ይራ ቡኒን።

2 እዉነ ፋሮን ታ ንቶ ሱሞትክ ዛጉ ቤይፋናክኑ ንቶቴኖ ኦም ታን ግርሱንር ኦንሶ?

3 ዜምማ ንቶክ ኤካ ትቕናሰ ንቶኪ ያፋና ካባሲክ ታን ግርሱሶነክ ሾልሰና ባሶ ታ ሱሞናክ ዛግሶኖይቴማቶ እያትዎ። ታ ግራሰ ንቶ ዙታምንትሴ እሲ ግራ ሰኒባሶን እማነፋዉቛዎ።

4 እካማ ሱሞክናዎ ንብናሰ ራካቴራና ደይ እካማ ሀራፋ ዋሰት ሀን ትቻሶን ትቕናሰ እካማኖን ንቶትን ሹናር ሰንናማቶ እሩትክ እያታኖ ንቶ ሱሞትክ ዛጉናክ ይራታዎ።

ሚርኤፌ ባሪን ፌሹን ኡ

5 እሱኒን ሱሞናክ ዛግር ኦኑ ፌፋናን ሱሞናክ ዛግናሰ ታን ታን ሰኖይናሮን ዙታምንትሴ እሲቛዎ፤ ችዋሶን አሪክሰንናርታዎ፤ ንቶ ጋነያሰኑ ሾዎኒ ሜያኖንቱ ሱሞሶነክ ዛጊዎ።

6 ኤሰ ኤፌ እሱሲክ ንቶ ጋነያሰን ሾዎኒ ሜያ ባሳሰታ ማቕሱ ካርኤቴ ኬኦሰ ባርክ ሆሮናዎ።

7 ኤሰ ባሪ ቦርኣ ኤሰ እሱሰ እካማኖን ሱሞባሰታን ካብ ችዋ አብድ ቡጉኖይናማቶ ፌሹን ይራ ባሪን ችኦትክ ሾልሰፋዎ።

8 ኤሲሰማቶ ባሪን ሹንትር ሰኒትሶን ሄፕሳ ዎላ ባርክ ቤሱትክ ንቶትን ሺጾፋዉቛዎ።

9 ኤሰ ዎሲያሶን ደይ ንቶክ ትቕናሰ ፋታንቴራ ዙታምባሴ እሲክ አጃጃማር ሰኒትሶን አሩናክ ሾሌፋትዎ።

10 ንቶ ፌሹን ይሴት እሱሰን ታ ደይ ባርክ ፌሹን ኡናዎ። ፌሹን ኡና ሚርኣባ ፋፋናን ታ ክርሰቶሰኒ ሰንናክ ባሪን ፌሹን ኡናሰ ንቶ ቦርኣዎ።

11 ኤሰ ባሮን ደይ ዛግፌኒሰ ሴጣናሰ ኮፖኖን አሪፌኒ ቦርኣ ሴጣናሰ እኖትን ኤሽኖይናማቶዎ።

ጳውሎስኒ ራክኮ ጥሮአዳክ

12 ኤሴን ኦርፎ ክርሰቶሰኒ ሞሰራቹኒ ካማሶን ማኮናክ ጥሮአዳ ሀሚፋና ካባሲክ ዳሚሰ ታጋ ዎሰቶኒ ኡግና ታክ ጋቕ።

13 ሰኑንታኖ አይታ ትቶኒን ኣነ ዳኦት ሰንና ቦርኣ እያናሰ ቤይሳ ኣነ ዳና። ኤሰ ባሪ ቦርኣ ኤሰታ ፌሴ ክርሰታናኒ ሜያኖን ማርኦ ዱት እያት ሜቀዶንያ ሀሚን።

14 ሰኑንታኖ ዎንና ዎንና ክርሰቶሰ ሜሬና ባርክ እኖትን ዘንሰራ ማእ ሳዉባሬ የሬ ሽቶኒማቶ ክርሰቶሰኒ ችዋሲክ ፋ አሩሶን ዳዳሲ ካቲኒክ ዛግፋ ሀኦሲክ ጋላታ ሰንፋውቛዎ።

15 እንኖ ፋሩኒ ባሶክ ሰኒፋናክ ትሹን ባሶክ ማእ ሳዉባ ፋናር ሰንና ክርሰቶሰኒኪ ካሞ ሀኦሲክ ታእኒዎ።

16 እንኖ እሳይሲክ ዎሪፋ ክቱኒ ሳዋ ሳዉንር፤ ኦሚሲክ ካ እምፋ ካኒ ሳዋ ሳዉንር፤ ኤካኒ ሀን ዎሰቶሲክ ሆሮ ሰኒር ኦንሶ?

17 እንኖ ሀኦሲ ካማኖን ናጋድን ኮዳ ዛግሬ ሸልግሬ ናጋደሴፌ ሾዎ ሜኒማቶታዋ፤ ስኑነታኖ ሀኦስኪን ዋስቴ ማአ ዋሲ ሰንና ክርስቶስኒኪ ካሞ ሀኦሲ ሰንና ማኬፌንዋ።

3

ጋድዶ ቴያሲ ዋስትኛኒ ሜያ

1 ሄፕሳ ዋላ እንኖ ቴትኒሶን ጋላቶኒክ ካቡንሮሶ? ወደይ እሳ እሳ ሜያ ዛግሴፌስማቶ ንቶክ ወደይ ንቶኪን ትቼ አሪጋሱን ትቻ እኖክ ሾልሱንጋሶ?

2 እሱ ዙቴሬ አሪፌናሴዋ ፌሬቲት ፌናሴ እንኖ ንብባሲ ትቼ እንኖ አሪጋሱን ትቻሰ ንቶዋ።

3 ንቶ ደይ እንኖ ዋስቶሲክ ዬሴ ክርስቶስኒ ዋስያ ሰኒትሰ አማዋ። ሀን ዋስያሰ ትቼናሰ ሀየዋ ሀኦሲ አያናክታኖ ካላምክታዋ። ኤሲስማቶ እሱኒ ዳናራ ንባሰታታኖ ዳናራ ሹኣሰታ ትቼርታዋ።

4 ኤስ ባሮን ማኬናሰ ክርስቶስኒኪ ካሞ ሀኦስታ አማንቶኒ ፋር ሰንና ቦርአዋ።

5 ዋስቶኒሶን ኮእሱክ ችማንክ ሆሮ ዛጉኒሰ ሀኦስታኖ እንኖ ቴትኒሲክ እሳ ዉዛነ ዛጉንክ ችምኒ አፋዋ።

6 ጋድዶ ቴያሲ ዋስትኛ ሰናኒክ ሀግና እኖክ እማሰ ባርዋ። ኤሲሰ ደይ ማላቶክ ትቼ ቱማሲክ ሰናይናሮን ኮርቶ አያናሰ አሪጋሱክዋ። ማልላቶክ ትቼ ቱማሰ ክቱ ቴሸር። ስኑነታኖ ኮርቶ አያናሰ ካ እማር።

7 ቱማ ቱምቴናሰ ዳናራ ሹኣሰታ ማልላቶክዋ። ቱማሰ እምቴና ካባሲክ ፋ ቻሬፋሰ ትሸት ሀማር ሰኒፋናክኑ እሰራኤልኒ ዳራሰ ሙሴኒ ሰናሶን ማእሰሬ ብያክ ኣነ ችሞቶ። ኤሴ ክቱሶን ኤጳ ያ ቱማሰ ኤፋቴና ኡልፍናክ ያናኔን፤

8 ኤካን ኮርቶ አያናሰኪ ካሞ ቤስቴ ዋስቶሰ አካማኖን ኡልፍንባ አፋኖ ፎና ዉዛ?

9 እሱኒ ሜያ ቦር ሰንነቴ ዋስቶሰ ኤፋቴናሮን ኡልፍንባ ፋር ሰንናኔን አሱኒ ሜያ ኦኮ ሰናነ ዋስቶሰ ኣካክ አካማኖን ኡልፍንባ ፎ ቤይንሪንሶ?

10 ኦርፎቲ ኡልፍናሰ አካማኖን አሪክር ሰንባሰታን ካብ ችዋ ኣታ ኡልፍናሰ እሳንነ ኣፋነ ፋር ሰንናቱ ፋድቶና።

11 ኤሰ ጣቅጣቂት ሀማ ባር ኤፋቴና ኡልፍንባ ፋር ሰንናኔን ኮእባ ፎንቶኖን ችምማ ፎኒ ባር ኣካክ አካማኖን ኡልፍንባ ፎ ቤይንርን?

12 ኤፋቴና አብድን ፋና ቦርአቱ ድጎ ቤይፌን።

13 ሆፕት ሀማ ሙሴኒ ሰንናስ ፓልፓሉ ትሹና ካባኔን እስራኤልኒ ሜያ ቢሶኖይቴማቶ ሰኒባሶን ኡኬት ፌር፤ ሰኑንታኖ እንኖ ኤሲሰማቶቴዋ።

14 ባሶ ንብባሲ ፋቶሲክ ታችዋ፤ ሀሽ ሀውቶኔን ካርአ ኩርኡ ቱያሲ ማፃፋኖን ፌሬትሴፌ ካባሲክ ንብቤሲስ ኤስ ይኑሲክ ጌፕቶቤሲሴቱ ፌሴቴዋ፤ ኤስ ይኑስ ትሹናስ ክርሰቶሰኒኪ ካሞ ኮእባዋ።

15 ሀሽኔን ካርአ ቱማስ ማፃፋኖን ፌሬትሴፌ ካባሲክ ንብቤሲስ ኤስ ይኑሲክ ጌፕቴፋዋ።

16 ሰኑንታኖ አሰሱ ዳሚሲክ ዋልፌና ካባሲክቱ ኤስ ይኑስ ካቡና።

17 ዳሚስ አያናዋ፤ ዳሚሳ አያና ፋና ድማሰታክ ብርማዱማስ ፋርዋ።

18 እንኖ ዙታምኒሴ ጌፕቶኖይ ሰንናክ ፋፋት እንካሊስ ቢስቴፋናሰማቶ ዳሚሳ ኡልፍናኖን ፓልፓልግራ ቤሱንዋ። እንኖ አያና ሰንና ዳሚሳ ግቶኖን ሰንነ ቤስቶክ ኡልፍናሰታን ኡልፍናታ ሶልቶኒዋ።

4

አማናምቶ ሰንነ ዋስቶ

1 ሀኑስ ፋኪባሲክ ሀን ባሪ ዋስቶሶን እኖክ እምና ቦርአ አብድ አፋ ቡጉንዉዛ።

2 አቾ ሰና ባርንናዋ ኢቹ ሰና ዉዛሶንና ቤይኒ፤ ጃልሱክ አፋ ዋስቶኒዉዛ፤ ሀኑሲ ካማኖን ደይ አፋ ሶሎን ዉዛ፤ ኤስ ባርሰታን ፋቶሶን አምማኖን ክሰራቱ ቤሱኒ፤ ቴትኒሶን አሱ ዙታምባሴ አሲ ካኑክ ሀኑሲ ሰና አምማ ዛግፌኒ።

3 እንኖ አሲኒ ምስራቹኒ ካማስ አዉዛክነ አቾ ሰንፋናክኑ አቾናስ ትሹኒ ባሶክዋ።

4 ሀን ዳሲ አእሰኛ ሰና ሴጣናስ አማኖይ አሱኒ ሜኒ ንባሶን ታርእ፤ ኤስ ባሪ ቦርአ ሀኑሲ ግቶክ አምማኖን ቤስቴ ክርሰቶሰኒ ኡልፍናኒ ምስራቹኒ ካማስ ቻርሱና ቻሬፋሶን ቢሶሶኖይቴማቶ ዛገ።

5 እንኖ አሲፌኒስ የሱስ ክርሰቶስ ዳም ሰንባሶንናዋ እንኖ ቴትኒሲክ የሱሰኒ ችዋሲክ ንቶ ዋስቶኛ ሰኒሶንታኖ እንኖ ቴታስ ችዋኖን አፋ ማኮኒ ዉዛ።

6 «ቻሬፋስ ታልማስን ኬሳ ቻሮን» ይራ ማኬ ሀኦስ ክርስቶስን ግብረክ ቻርሰፋ ሀኦሲ ኡልፍናኖን አሩኒ ቻሬፋ እኖክ እማናክ ቻሬፍባስ ንብኒስ ቻሮናክ ዛጊ።

7 ሰኑንታኖ ሀን ዙታምባሴ አሲስታን ደናሎ ሰና ሁግናስ ሀኦሲርታኖ እንኖር ሰና ቤይባሶን አሪቶናክ ሀን ኡልፍንቶ ወዛሶን ሆቾ ኮዳስ ፋርዋ።

8 ሻናስ ዳ ዳሰን እኖስታ ካርፋ፤ ሰኑንታኖ አፋ ሜርቶኒ ወዛ፤ ሾዋ ዋና ዛጉንወዛ ትሸፋ፤ ሰኑንታኖ አብድ አነ ቡግፌን።

9 ጉማኒስ እኖትን ካሌ ኮፋክሴፌ፤ ሰኑንታኖ ዋዳጃኒን ቱርክራ አነ ብየኒ፤ እቺራ ሀቴት ፋኒር፤ ሰኑንታኖ አነ ክትፌኒ።

10 የሱሰኒ ካስ እንኖ አቱስታ አምማኖን ኬሳ ቤስቶናክ የሱሰኒ ክቱሶን እንኖ ደይ አቱኒስታ ዋንና ዋንና ዋርኣ ኩትፌኒ።

11 የሱሰኒ ካስ ክቱኒ አቱኒስታ አምማኖን ኬሳ ቤስቶናክ ሀየዉ ሰና እንኖ የሱሰኒ ሻዋሲክ ዋንና ዋንና ክቱክ አቱራ አምቴኒር።

12 ኤስ ባሪ ቦርኣ ክቱስ እኖስታ ዋስቴድፋር፤ ሰኑንታኖ ካስ ንቶሲ ዋስቴድፋር።

13 ሰኒፋናክኩ፡- «አማነን፤ ኤስ ባሪ ቦርኣ ደይ ማኬን» ይሰቴራ ትቼናሰማቶ እንኖ ደይ ኤስ እሳ አማንቶኒ አያናስ እንኖሲ ፋና ቦርኣ አማነፌኒ፤ ደይ ኤስ ባሪ ቦርኣ ማኬፌኒ።

14 ዳም የሱሰኒን ክቱን ካብግ ሀኦስ እኖትን ደይ የሱሰኒን አነ ክቱን ካብጉናማቶናዋ ንቶኔን አነ ደይ ባሪ ሰና ዬቱናማቶና አሪፌኒዋ።

15 ኤስ ባር ዙታምባሴ ንቶክ ኬእኒር ሰንና ሀኦሲ ኦትማ ቱማ ፋእቴራ ሾዋ እሱኒ ሜያክ ካርፋና ካባሲክ ሀኦሲክ ሰንኒ ጋላታስ አሪኩናክዋ።

አማንቶክ ፎ

16 ኤስ ባሪ ቦርኣ አብድ አፋ ቡጉንወዛ፤ አዉነ ፋሮን ጌሮኪ አቱኒስ ትሸፋናክኩ ሰርኪ አቱኒስ ዋንና ዋንና ጋድዶ ሰንናቱ ፋ።

17 ሀን ካሾሴዋ ሀሽቲ ካባሰሬ ሰና ሻናኒስ ባርክ ክጣቶኒ ወዛባ ፎንቶ ኮእኒ አካማ ኡልፍናሶን ዳናኒክ ዛጉና።

18 እንኖ ኦደት ፋኒስ ቢስቶኖይ ወዛሶንታኖ ቢስቴፋ ወዛሶንታዋ፤ ቢስቴፋ ባር ሀሽትርዋ፤ ሰኑንታኖ ቢስቶኖይ ባር ኮእባ ፎንቶሰዋ።

5

1 ሀን ዱርካኒሲማቶ ሀሽቲ ካብኒር ሰንና ሀን ዳሰታኪ አሽኒሰ ሰግቲፋና ካባሲክ አሱኒ ኩሹክ ኬቶኖር ሀኒኒ ኩሹክ ኬቲ ኮእባ ፎንቶ ፎኒ ኬያ ሳማኪ ፋናማቶ አሪፊንዋ።

2 ኤሰ ካባኔን ሳማኪ አቱሶን ማያኒክ ካልቶክ ካቤት ፋኒርዋ።

3 ኤሰ ባርን ማይፌኒ ካባሲክ አታቱ ሰንና ኣፋ ቤሰቶኒ ዉዛ።

4 ሀን ዳሰታኪ ዱርካኒሲማቶ ሰና አቱኒሲክ ፋኒ ካባሲክ ፋይፋን ሃነት ፋኒርዋ፤ ሃነት ፋኒሰ ክቱሰ ካክ ሶልቶናክ ሳማኪ አቱሶን ማያኒክታኖ ሀን ዳሰታኪ አሽኒሰታን ኦር ኬሳኒክ ሾሌፋታዋ።

5 ኤሰ ባርክ እኖትን ሆሲሰ ሀኒሰዋ፤ ኤሰ ባርሰታን ደናሎ እኖክ እምቶኒዉዛ ዙታምባሴ አሲክ ኦቶ ሰናናክ አያናባሶን እኖክ እማሰ ባርዋ።

6 ሀን ዳሰታክ አሻክ ፋኒ ካባሲክ ዳሚሳታን ዎካ ፎኒሶን አሪፊኒክኩ ዎንና ዎንና ባርኪቱ እማነፊኒዋ።

7 እንኖ ፋፌኒ ፎሰ ዳሚሰን እማንቶክታኖ ባሪን ቢራታዋ።

8 አሽኒሰታን ኦር ኬሳ ዳሚሲክ ፋ ኬኒሲ ፎሰ እኖክ ማአሪዋ፤ ኤሰ ባሪ ቦርኣ እማንቶክቱ ፋፊኒዋ።

9 ሀን አሽኒሰኔን ፋፊኒክ ወደይ ኦር ኬሰፊኒክ እንኖ ሾሌኒሰ ዳሚሰን ግርሱዋ።

10 አሱ እሳርባ እሳርባሲክ ሀን ዳሰታክ ፊና ካባሲክ ማቶ ዎሰቶ ሰኑን ማእ ዎሰቶባሲክ ዋግባሶን ኤጴቶናክ እንኖ ዙታምኒሴ ክርሰቶሲኒ ማጃሱኒ ካርኒ ኮዳሰ ሰና ታእኒርዋ።

11 ዳሚሰን ድጎሰ አዉ ሰንናማቶ አሪፊኒ ቦርኣ አሱኒ ሜያ ኤጴቶሶንክ ዛጊፊኒ። እንኖ ኦ ሰኒማቶ ሀኒሰ አሪፋዋ፤ ንቶ ደይ ንብንትሰ እንኖ ኦ ሰኒማቶ አሪፊፊትማቶ አብድ ዛጊፋዉጃዋ።

12 ንብቤሲሰ ፋ ባርክ ሰኖይናሮን ቢሰቴፋ ባርክ ቴቱሴፊ ባሶክ ዎልቶ እማ ቶማትክቱ እኖክ ቴቶትክ ዛጉንታኖ ሄጥሳ ዎላ እንኖ እኖትን ንቶ ሰና ኣፋ ጋላቶኒ ዉዛ።

13 ንፋሶ ሰኒፊኒክ ሀኒሲክዋ እያትዋ፤ ካኑባሬ የሬ አሱ ሰኒፊኒክ ንቶክዋ እያትዋ።

14 እሳርጋ ክርሰቶሰ አሱ ዙታምባሴ አሲክ ክቱባሶንናዎ ዙቴሬ ክትሴቴማቶ አሪኒ ቦርኣና ክርሰቶሰኒ ኬሽታናሰ ዎሰቶኒክ ግድሲፋዋ።

15 ካክ ፊሴ ባሶ ክት ባርኪንናዎ ክቱኒ ደይ ካብ ባርክና ፎሰንክታኖ ሀንኔን ኤካሎክ ባሶ ቴታሲክ ፎሶናይቴማቶ ክርሰቶሰ ዙታምቤሲሴ አሲክ ክት።

16 ሀንኔን ኤካሎክ እንኖ ኦሪንኑ አሸኒ ሳፋራክ አፋዋ ብያንወዛ። ዜሞ ሰናክ ክርስቶስን ማዛነሰ ባክ አሱኒማቶ አሸኒ አፋክ ሰንፋናን ኖኒ ዋናሲክ ኤካ አፋ ማዛኖንወዛ።

17 ኤስ ባሪ ቦርኣ ኦኑ ክርስቶስኒር ሰንፋናን ጋድዶ ቴሰቶዋ፤ ኩርኡ ቴሰቶስ ኣት ኤስ ባሪ ኤዴስ ጋድዶ ቴሰቶ ግሪ።

18 ኤስ ባር ዙታምባሴ ሰንናስ እኖትን ባርኔን እነ ክርስቶስኒኪ ካሞ ጋንሰራ ጋንሱኒ ዋሰቶ እኖክ እማ ሀኦስክቻዋ።

19 ኤሲስ ደይ ሀኦስ ክርስቶስኒኪ ካሞ ሀን ዳሰታኪ አሱኒ ሜያኖን ዙትራ ባርኔን እነ ጋንሲ ኡዋ። ማቻሱቤሲሶን እነ ፋዱዋ፤ ደይ አሱሰን ዳሚሰኔን እነ ጋንሱኒ ካማ እኖክ እሚ።

20 ሀኦስ አሱኒ ሜያኖን እኖኪ ካሞ ቴጎኒር ሰንና ቦርኣ እንኖ ክርስቶስኒ ካማሲ አምባሳደርዋ። ኤስ ባሪ ቦርኣቱ፦ «ሀኦስኔን ጋኖት» ይራ ክርስቶስኒ ሱናሲክ ሺጾፌኒዋ።

21 እንኖ ክርስቶስኒኪ ካሞ ሀኦሲ ኦኮኖን ሃኤር ሰናኒክ ሀኦሲ ቦርባ ፎንቶ ክርስቶስኒን እንኖ ቦርኣሶን ባር ዋርኣናክ ዛጊ።

6

1 ሀኦስኔን እነ ዋሰቱት ፋኒር ሰኒሰማቶ ንቶ ኤጳ ታቲ ሀኦሲ ኦትማኖን ኬእኖር ዛግራ ፋኦትታዋ ይራ ሺጾፌኒዋ።

2 ሀኦሲ፦

«ሾልሱ ሳኦትሰታ ኔን ኦደን፤

ፋሩኒ ዋናሰታ ኔን አሪጋሰንን!» ይፋና ቦርኣ።

«ኤሴ ሾልሱ ዋናሰ ሀሸዋ፤ ፋሩኒ ዋናሰ ደይ ሀሸዋ።»

ጳውሎስ ኤጼቴና ሻና

3 እንኖ ዋሰቴፌኒ ሀኦሲ ዋሰቶ ካሸሰቶኖይናማቶ እሳ ወዛክነ ኦኒክኑ ቱሳ አፋ ሲናኒወዛ።

4 ኤስ ባርሰታን ሻናሶንናዋ ራክኮሶንና ደይ ትርኦሶን ፋክት ሀኦኒ ዋሰትኛኒማቶ ቴትኒሶን ዙታምባሴ አሲክ ሀኦሲክ ታእሰድፌኒዋ።

5 ሀኦኒ ዋሰትኛ ሰንኒሶን አምማኖን ክሰራ ቤሱኒሰ እቾክ፤ ታቶክ፤ ራካቶክ፤ ዋሰቶ ዋሰቴሬ ሆፑክ አፋይኒን ቱርኩክናዋ ማክቶክናዋ።

6 ኤሲሰማቶ ደይ ካይማክ፤ አሩክ፤ ፋክያክ፤ ማኦክ፤ ኮርቶ እያናሲክ ዙኩሰቶክናዋ ታን ፌ አሱ ኦፌ ኡባ ፎንቶ ኬሸታናክና፤

7 ፋቶኒ ካማሲክናዋ ሀኦሲ ሀግናክና ኦኮሶን አልዳ ኩሹክናዋ ሆእታ ኩሹክና ኔሶኒ ሜያ ዛግራ ኤጳ፤

8 ኡልፍናክናዋ ሳልጰናክና፥ ዋቃስቶክናዋ ጋላትኒ ዳናክናቴ ፋኒ። ፋቶኒር ሰንና ፋኒ ኤሻር ይሰቴኒ።

9 እርቶ ሰንና ፋኒ አሪቶኖር ሰኒ፤ ክትሴቴዋ ይሰቴፊንክ ሀየዉ ሰንናቴ ቤሰቴፊኒ፥ እቴፊኒክኑ እነ ዎርቶዌኒ።

10 ሱሞ እኖሰታ ካርፋናክኑ ዎንና ዎንና ግሬት ፋኒር፤ ቴካም ሰንና ፋጌዶ ሾዎኒ ሜያኖን ኦቴም ዛግኒር፤ እሳ ዉዘኒ ፎንቶ ሰንና ፋፊኒክ ዙታምባሴ እኖኪክ ፋር።

11 ንቶ ቆሮንቦስሱክ ፊሴ አሱኒ ሜያን! ኤሴ አምማኖን ንቶክ ማኬኒዋ፤ ንብኒሶን ታግራ ንቶክ ጋቹኒዋ።

12 ንቶቴ ኬሽታንትሶን ካለቴኖ እንኖ ኬሽታኒሶን እነ ካለኒዋ።

13 አባ ናንጎትባሲክ ማኬፊናይሰማቶ ማኬፋት ኬሳ እንኖ ንብኒሶን ታግራ ሰርኪ ሳፋራኒሶን አምማኖን ጋቹቻ ቤሰኒሰማቶ ንቶ ደይ ኤካ ዛጉት።

አማኖይ አሱኒ ሜያንን እሳር ስና ቤያ

14 ሰንኖይ ኡግናክ አማኖይ አሱኒ ሜያንን እነ እሳ ዋንጆሲ ግሩትታዋ። ኦኮነዋ ቦርነ ኦካክ እሳር ሰንናክ ቸምኒሪንሶ? ቸሬፋሴዋ ታልማሴ ኦካክ እሳ ዳ ፎክ ቸምኒሪንሶ?

15 ክርሰቶሰንናዋ ዳቡሎሰና ኦካክ እሳር ሰናክ ቸምኒሪንሶ? አማነ ባሶትናዋ አማኖይ ባሶትና ኦካክ እሳር ሰናክ ቸምኒሪንሶ?

16 ሀኦሲ ቤቴሜቅደሲ ኮእሎሲክቶኔን እነ አዉኒ እሳርባ ፋሪንሶ? ሀኦሰ ደይ፤

«ፎና ድማሶን ዳራታሳ ጋነሲ ዛጉና፤

ባሶኔን እነ ፎና፤

ታ ባሶክ ሀኦቤሰ ሰናና፤

ባሶ ደይ ታክ ዳራታ ሰኖን።»

ይራ ማኬናሲማቶ እንኖ ሀየዋ ሀኦሲ ቤቴሜቅደሰዋ።

17 ደይ ዳሚሰ፡-

«ባሶ ጋነያሰን ኮርቴራ ኦር ኬሰት፤

ዝና ሰና ዉዛሶን ታኡትታ፤

ታ ደይ ንቶትን ኤጰቶና፤

18 ታ ንቶክ አባ ሰናና፤

ንቶ ደይ ታክ ኦርቃ ናንጎትናዋ፤

ማሽካ ናንጎትነ ሰናቴ፤

ይፋዋ ዙታምባሴ አሲን ቸምፋ ሀኦሰ» ይዋ።

7

1 ኤሴ ኮኒታሳክቶኖ! ኤስ አብዲስ ዙታምባሴ እምቴናስ እኖክ ሰንና ቦርኦ አሻሶንናዋ አያናሶንና አሲን ኪንሱኒ ወዛሰን ቱትኒሶን ካይምሱኒዋ፤ ሀኦሶን ድጎክ ደይ ኮርቶ ሰንኒሶን ቱማ ሰናናክ ዛጉኒ።

ጳውሎስኒ ግራ

2 ንብንትሰን እኖትን ኤጳቶትዋ፤ እንኖ ኦኒንኑ እነ ሚርኦዌኒዋ፤ ኦኒንኑ ማጁሲ እነ ዘንሱዌኒ፤ ኦንክኑ ኤጳ እኖክ ኬእናክ እነ ዛጉዌኒ።

3 ኤስ ባሮን ይፋናስ ንቶሰታ ማሻሱ ካርኦናክታዋ፤ ዜሞ ሰናክ ማኬናሲማቶ ንቶ እንኖ ንባሰቱ ፋሴትዋ፤ ኤስ ባሪ ቦርኦ ካክ ሰኑን ክቱክ ንቶሰታን ኣፋ ኦር ኬሳኒ ወዛ።

4 ንቶሰታ ፋ አማንቶናስ አካማዋ፤ ንቶሰታ ቱቴፋና ቱቶስ እኛዋ፤ ንቶኪ ካሞቱ ችማ ዳንፋወሻዋ፤ እኖሰታ ካርፋ ሻና ዙታምባሴ አሲክ አካማኖንቱ ግሬፋውኛዋ።

5 ሜቀደንያ ሀምማ ካርፌኒ ካባሲክኑ ሾዎ ኡግናን ራክኮ እኖሰታ ካርናሰታኖ እሳ ቤይሳ እነ ዳነኒ፤ ጌሮክ ፋሶ ንብኒሲክ ደይ ድጋቱ እኖሰታ ካርኦር።

6 ሰኑንታኖ ሱሜ ባሶትን ችኒፋ ሀኦስ ትቶኒ ዮሲክ እኖትን ችኒ።

7 ችምኒስ ባር ዬና ባር ባርክ ሰናይናማቶ ንቶ ባሪን ችኒት ባሮን ኦደኒ ቦርኦኒሻዋ። ንቶ ታክ ሳፋሬት ፋሴት ካልታናሴዋ ሱሞሴ አሲን እኖክ ማኬና ካባሲክ ዳይሰራ ግሬሻዋ።

8 ዜሞ ሰናክ ንቶክ ትችና ዎሰያስ ንቶ ሱሞትክ ዛግር ሰኒፋናክኑ ኤስ ዎሲያሶን ትቹናሲክ ኣፋ ጋቦና ወዛ፤ ጋቤፋናክኑ ጋቤናስ ትችና ዎሰያስ ንቶትን ጋሮ ዎን ኒሮን ሱሞትክ ዛግና ቦርኦዋ።

9 ሰኑንታኖ ሀሽ ግሬሻዋ፤ ኤስ ግሬናስ ንቶ ሱሞትክ ዛግና ቦርኦ ሰናይናማቶ ሱሜቲ ሱሞሲክ ሀርሚት ቦርኦዋ፤ ኤሴ ሱሞንትሰ ሀኦሲ ፍቃድኒማቶ ሰንና ቦርኦ እንኖ እሳንነ እነ ንቶትን ሚርኦዌንዋ ኡዋ።

10 ሀኦሲ ፍቃድንማቶ ሰና ሱሞስ ፋራኒ ኡግናሲክ ዘንሰፋ ሀርሙክ ቤሰቴፋ ሶልቶሶን ቴሽፋና ቦርኦ እነ ጋቢሰፋዋ። ሰኑንታኖ ሀን ዳሰታኪ ሱሞስ ክቱቱ ኤጳ ያፋ።

11 ሀን ሱሞንትሰ ሀኦሲ ፍቃድክ ሰንባሲክ ኣካነ ፋ ማምሱኒ ዎልጉሶን፤ ኣካነ ፋ ችማሶን፤ ኣካነ ፋ ታእኒን ግቶሶን፤ ኣካነ ፋ ድጋሶን፤ ኣካነ ፋ ካልታናሶን፤ ኣካነ ፋ ኮናሶን፤ ኣካነ ፋ ኬኦ

ንቶስታ ኤጳ ያናማቶ ጋሳሲራ ቢትዋ። ንቶ ደይ ዙታምባሴ አሲክ ኤስ ችዋሲ አፍሴትዋ።

12 ኤስ ባሪ ቦርኣ አዉነ ፋሮንኑ ንቶክ ትቕፋናክ ታ ንቶክ ትቕናሰ እንኖ ችዋሲክ ፋ ችማሰ ሀኦሲ ሰና እምማ ሰናናክዋ እያታኖ ሚርኤ አሱሲክናዋ ሚርእሚ አሱሲክና እያታዋ።

13 ችማ ዳኒስታን ደናሎ ቲቶ ዳንና ግራሲክ ዳይሰራ ግሬኒዋ፤ ኤስ ግሬኒሰ ደይ ዙታምኒትሴ ቲቶኒን ችኒሴት ቦርኣናዋ እያናባሰ ቤይሳ ዳናናክ ዛግሴት ቦርኣናዋ።

14 ንቶስታ ፋ ቲቶናሶን ትቶኒክ ማኬራ ፋናር። ንቶ ደይ ታ ኢቸናክ ኣነ ዛጉዌት። እንኖ ዋንና ዋንና ንቶክ ፋቶሶን ማኬት ፋኒር። ኤሲሰ ደይ ንቶ ችዋሶን ቲቶኒክ ማኬኒ ቲቶኒሰ ፋቶ ሰንባሰ እርቲዋ።

15 ዙታምኒትሴ እጃጃሚትር ሰንትማቶናዋ፤ ድጋክ፣ ኮርኩክና ደይ ኤጳ ታትማቶና ቲቶ ያዳቴፊና ካባሲክ ንቶክ ፋ ኬሽታምባሰ አካማ ሰንዋ።

16 ታ ደይ ዙታምባሴ አሲክ ንቶትን አማንቶክ ችምናሲክ ዳይሰራ ግሬቫዋ።

8

ክርስታናኒ ሜኒ እማ

1 አይኒ ሜያነ! ሜቀዶንያክ ፋሴ ቤቴክርስታኒሲክቶክ ሀኦስ እምና ባሪ ኦትማሶን አሩሶትክ ሾሌፊኒዋ።

2 ባሶ ሾዋ ሻናክ ፋታንቴሴቴዋ። ሰኑንታኖ ግራቤሲሰ አካማዋ፤ አካማኖን ቲካም ሰንነፊክኑ አካማ እማቱ እሜቲዋ።

3 ችሜቴሰነ ፋሮንናዋ ባሶ ችማስታን ደናሎ ፍቃድቤሲሲክ እሜቲማቶ ታ ዛል ሰንናናዋ።

4 ዩዳክ ፊሴ ክርስታናኒ ሜያኖን አሪጋሱኒ ሁግና ካልኖይኒማቶ ማእሰሬቱ ሽጽሰቴ።

5 ባሶ ዛግሴቴሰ እንኖ ኦድኒ ባርስታን ደናሎዋ። ዘምሜ ቲትቤሲሶን ዳሚሲክ እሜቲ፤ ቲሰሬ ደይ ሀኦሲ ፍቃድክ ቲትቤሲሶን እኖክ እሜቲ።

6 ሀን ዋሰቶሶን ዘምሜ ዋሰቴሰ ቲቶ ሰንና ቦርኣ ሀሽኑ ኤስ እምኒ ዋሰቶኒትሶን ታሜ ኮእባስታ ካቲናክ ባሪን ሺጴኒዋ።

7 ንቶ አማንቶክ፣ ዋላክ፣ አሩክ፣ ችሜ ዋሰቶክ፣ እኖክ ደይ ቤስሴት ኬሽታና ዙታምባሴ አሲ ደናሎ ሰንት፤ ሀን እምኒ ዋሰቶሲክ ደይ ደናሎ ሰንትዋ።

8 ኤሴ ሀን ባሮን ማኬፋናስ ንቶትን አጃጃናክታዋ። ሰኑንታኖ ኦምኒ ሜያ እሜፌ እማሴዋ ንቶ እሜፌት እማሴ አሲን ሆሰራ ንቶ ኬሽታናስ ፋቶ ሰንባሶን አሩናክዋ እያትዋ።

9 ንቶ ዳምኒ የሱሰ ክርሰቶሰኒ ኦትማሶን አሪሴትርዋ። ባር አዉነ ፋሮን ኦቱም ሰኒፌናክ ባሳ ቱካም ሰንናሲክ ንቶ ኦቱም ሰናትክ ባር ንቶክ እያትዋ ቱካም ሰኒ።

10 ኤሰ ችዋሲክ ንቶክ ማእር ሰንና ታክ ቤሰቴ ኪቶ ንቶክ እምፋዉቻዋ። ኦታ ዋጋሲክ እማ ኮእባ ሰናይናሮን ኤሰ ባሮን ዜምሜ ዛጉክ ሾሌሰ ንቶዋ።

11 ኤሰ ባሪ ቦርእ አሱኒክ እማክ ሾሌት ሳፋራኒትሰ ዋሰቶታ ፌሻ ኮእባሰታ ካርእናክ ንቶ ችምትሰነ ፋሮን ኤሰ ሳፋሬት ባሮን ሀሽ ዛጉት።

12 አሱኒክ እማናክ ማእ ፍቃድባ ፋፋናነ ኤሰ አሱሳ እማ ኦድቴራ ታሰቴር ሰናናስ ባሳ ሁግናሰንነ ፋሮን እማናነታኖ ባርኪ ፎንቶሶን እምፌና ካባሲክታዋ።

13 ኤሰ ባሮ ይፋናስ ንቶ ዙታምንትሴ እሳ ኪጤ ሰናትክታኖ ንቶ እማክ ራካቴፌኒ ኦም ሜያ ቤይሳ ዳኖቶዋ እያትዋ።

14 ንቶ ራካቴፌት ካባሲክ ባሶ ኦትማሰ ንቶ ራክኮሲክ አሪጋሱናክ ሀሽ ንቶ ኦትማሰ ባሶ ራክኮሶን አሪጋሱኒር ሰኑን፤ ኤሰ ባርክ ንቶ ጋነያሰ እሳ ኪጤ ሰና ፎና።

15 ኤሲሰ ደይ፡- «እካማኖን ዙት ባርክ እነ ፋእቶዋ፤ ጋሮኖን ዙት ባርክ ደይ እነ ዮኡዋ» ይሰቴራ ትቼናሲማቶዋ።

ትቶናዋ ዘምባሳክቶና

16 ታ ንቶክ ሳፋሬፋናስነ ፋሮን ቲቶ ደይ ንባሰን ንቶክ ሳፋሮናክ ዛጊ ሀኦሲክ ጋላታ ሰንፋውቻዋ።

17 ቲቶ ንቶኪ ዬናስ ባሳ ቲትኒ ፍቃድክ ግራክቱ ካብሬ ዬቴኖ እንኖ ባሪን ሺጴኒ ባር ባርክታዋ።

18 ሞሰራቹኒ ካማሶን ማኮባሲክ ቤቴክርሰታኒሲክቶ ዙታምባሴ አሲሰ ጋላታምቶ አዪሰን ባርኔን እነ ጋፍኩኒዋ።

19 ኤሰ ባርሰታን ደናሎ ኤሰ አዪሰ እንኖ ሀን ማእ ዋሰቶሶን ዳሚሳ ኡልፍናክ ዋሰቴራ ዛግፌኒ ካባሲክናዋ ዋሰቶኒክ ፋ ማእ ፍቃድኒሶንና ማኬን እኖን እነ ሀምሜ ኤሰ ዋሰቶሴ አሪጋ ሰናናክ ቤቴክርሰታኒሲክቶሰን ኮርቴርዋ።

20 ሀን አሱኒክ እምቶናክ ዙቴ ዋጋሶን ኤጳ ኩንሰፌኒ ካባሲክ እሳ ዉዛክነ እንኖ ሀምቶኖይኒማቶ ቲትኒሶን ኦድትፌኒር።

21 እንኖ አላማሰ ዳሚሳ ሰናክ ኮእባ ሰናይናሮን አሱኒ ሜኒ ሰናክ ደይ ማእር ሰና ዉዛሶን ዛጉዋ።

22 ሾዎ ዋና ሾዎ ኡግናክ ፋታንቴሬ ችሞ ሰንነ ቤሰቴ አይኒሰን ትቶኔን እነ ንቶኪ ዋሰኒሰ ኤሰ ባሪ ቦርአዋ፡ ባር ንቶሰታ ፋ አማንቶባሰ አካማ ሰንና ቦርአ ሀሽ ሀን ዋሰቶሶን አሪጋሱናክ ፋ ሳፋርባሰ ዜሞቲሰታን አካማዋ።

23 ቲቶኒ ችዋሶን አሩክ ሾልሰፋናነ ንቶትን አሪጋሱናክ ታኔን እነ ዋሰቴት ፌ ዋሰቶኒ ዞሞታዋ፡ ባርኔን እነ ዮሶን ኦሞ አይኒ ሜኒ ችዋሲክ ሰንፋናነ ባሶ ቤቴክርሰታኒሲክቶኒ ኤዴ ሰንነ ክርሰቶሰኒ ኡልፍናሲክ የርሴቴርዋ።

24 ኤሰ ባሪ ቦርአ ኬሽታንትሶን ባሶክ ቤሱቴ፤ ኤሰ ባርክ ኬሽታኒትሴዋ ንቶሰታ ፋ እንኖ ቴቶኒሴ ኬእኖር ሰና ቤይባሶን ቤቴክርሰታኒሲክቶ ዙታሞባሴ አሲክ ቤሱትዋ።

9

ክርሰታናኒ ሜያክ ዛግቴ ዋግኒ ክሱ

1 ዩዳክ ፌሴ ክርሰታናን ሜያክ ዛግቴፋ ዋግኒ ችዋሲክ ንቶክ ትቹናክ እነ ሾልሰፋዋ።

2 «አካያክ ፌሴ አሱኒ ሜያ ኣታ ዋጋሰታን ካብግሬ አሪጋሱክ ሆሬሬ ፌሴቴርዋ» ይራ ሜቀዶንያክ አሱኒ ሜያክ ንቶ ችዋሲክ ቴቴፋናሰ ችሞንትሶን አሪፋና ቦርአዋ። ንቶ ችማሰ ኦሞ አሱኒ ሜያኖን አሞሶነክ ካብቻዋ።

3 ሀን ዉዛሲክ ንቶሰታ ፋ እንኖ ቴቶሰ ኬእኖር ሰንና ፋእቶኖይናማቶ ሀን አይን ሜያኖን ንቶክ ዋሱናዋ። ንቶ ደይ ዜሞቲ ታ ማኬናሲማቶ ሆሬራ ኦዶቴ።

4 ሜቀዶንያክ አሱኒ ሜያ ታኔን እነ ንቶክ ዬሴፌ ካባሲክ ሆሮኖይ ዲፌን ብየፋቴነ እንኖ ንቶሰታ ቴቴፌን ቴቶሲክ ኢቼኒርዋ፡ ንቶኑ አካማኖንቴ ኢችትዋ።

5 ኤሰ ባሪ ቦርአ እማትክ ማኬት ካምኒትሲማቶ ኤሰ አማሶን ዜምማ ሆሱትክ ንቶትን ያዳሱሶነክ ሀን አይን ሜያ ታይሰታን ዜምማ ንቶክ ዮሶነ ባር ሾልሱ ሰንና ታክ ቤሰቴዋ። ኤሰ ባርኪ ታ ያፋና ካባሲክ እማት እማሰ ሆሬራ ፎና፤ ንቶ ደይ እማትሰ ግድክ ሰኖይናሮን ፍቃድንትሲክ ሰኒባሶንቴ ቤሰፋ።

6 «ጋሮኖን ቡካ ባር ጋሮ ሜያቴ ዙትፌ፤ አካማኖን ቡካ ባር አካማ ሜያቴ ዙትፌ» ይሰቴ ባርን ያዳቶት።

7 ኤሰ ባሪ ቦርአ ሀኑ ሹንፋናሰ ግራክ እምፌ ባሪን ሰንና ቦርአ አሰሱ አሳርባ አሳርባሲክ ንብባሲ አማናክ ሾሌና ባርን ግራክ አሞቴኖ ኤክ ሀቻ ኡክ ወደይ ግድክ እማናታ።

8 ዋንና ዋንና ዉዛ ዙታምባሴ አሲክ ቱትንትሶን ችማማእ ዋስቶ ዙታምባሴ አሲስታ ፌሹ ችማትክ ሀኦስ ኤባባሶን አሪክሰራ እማናክ ችማናዋ።

9 «ኤሲስ ደይ ቱካምኒ ሜያክ ጋራማክ እም፤

ኦኮባስ ደይ ኮእባ ፎንቶኖን ፎና»

ይሰቴራ ትቼናሰማቶዋ።

10 ቡክፌ ባርኪ ዛላ፤ ሙን ባርኪ ቱሻ እምፋ ሀኦሲ ቡካት ዛላሶን አሪክሰራ ንቶክ እማናዋ፤ ጋራማክ እምት እማሰ ጋናኖን ደይ አሪክሰና።

11 ንቶ እማቲ እማሰ እኖክ ካሞ እምቶና አሱኒ ሜያ ዙቴሬ ሀኦሶን ጋላቶሶነክ ዋንና ዋንና እማትክ ሀኦሲ ዉዛ ዙታምቤሲሴ አሲክ ኦቱም ሰንናትክ ዛጋዉሻዋ።

12 ኤሰ እምፊት እምኒ ዋስቶስ ክርሰታናኒ ሜያኖን ራክኮሰን ክሱባስታን ደናሎ አሱኒ ሜያ ሀኦሲክ አካማ ጋላታ እምሶነክ ዛግርዋ።

13 ሀን ንቶ እምፊት እምኒ ዋስቶስ ክርሰቶሰኒ ሞሰራቹኒ ካማሲክ አጃጃሚራ እማናምቶ ሰኒፋት ባሶክ ሰኑን አሚሲክ እማትማቶ ቤሱባሲክ ዙታምቤሲሴ ሀኦሶን ጋላቴሴድፊዋ።

14 ባሶ ደይ ሀኦስ ንቶክ እምና አካማ ኦቱምባስታን ካብ ችዋ ንቶትን ኬሽቴሴፌ ቦርአ ንቶክ ሺጵሶነዋ።

15 አሱኒ ካማክ ዋሎምቶናክ ችምቶኖይ ባሪ እማሲክ ሀኦሲክ ጋላታ ሰንፋውሻዋ።

10

ጳውሎስ ሀኦሲ ዋስቶኒ ችዋክ እምና ዋልጉ

1 ታ ጳውሎስ ንቶ ሰና ፋና ካባሲክ ኢቹር ይሰቴን። ሰኑንታኖ ንቶስታን ዋክፋና ካባሲክ ኢቹናር ይሰቴን፤ ክርሰቶሰኒ ጋራማሲክናዋ ማእሲክና ንቶትን ሺጵፋዉሻዋ።

2 ንቶትን ሺጵፋናሰ ንቶኪ ያፋና ካባሲክ ድጎኖይ ማኮናክ ታን ዛጉትክዋ፤ ሰኑንታኖ አሸኒ ሳፋራክ ኩቲት ፋኒር ዛግሬ ሳፋርሴፌ እሳ እሳ አሱኒ ሜኒ ሰናክ ድጎኖይ ማኮናክ ሾሌፋዉሻዋ።

3 አዉን ፋርንኑ ሀን ዳስታክ ፋፌኒክ ኔቤፌኒ ኔቦሰ ሀን ዳስታኪ ኔቦሲማቶታዋ።

4 ኤሰ ኔቦኒ ሜኒሰ ደይ ጎሰማሶን ቦጋኒክ ሀኦኒ ሀግናባ ፋናርታኖ ሀን ዳስታኪ ኔቦኒ ሜያሰነ ፋርታዋ።

5 ሀኦሶን አሩኒ ችዋሰታ ቱሳ ሰንና ካብፋ ዌኑሴዋ ቤጋንቶሴ አሰን ቦጋኒ፤ አሱሳ ሳፋራኖን ዙትራ ቦጀራ ክርሰቶሰኒክ አጃጃሞናክ ዛጉኒ።

6 ንቶ አጃጃሞሰ ቱማ ሰንፋና ካባሲክ አጃጃሞ ቤያሶን ዙትራ ኬኡክ ሆሬር ሲናኒ።

7 ንቶ ቢፊትሰ ጌሮክ ቤሰቴፋ ባሮን ኮእባዋ፤ ኦኑ ታ ክርሰቶሰኒር ይሬ ባሪክ አማነፋናነ ሄፕሳ ዋል ሌ ሳፋሮዋዋ። እንኖ ደይ ባሳይሲማቶ ክርሰቶሰኒር ሰኒማቶ ያዳቶዋ።

8 ዳሚሰ እኖክ እምና ሀእሱኒ ሁግናሲክ አካማኖን ቴቴፋናነ ኣፋዋ አቸናዉዛ። ሀን ሀእሱኒ ሁግናሰ እኖክ እምቴናሰ ንቶትን ቸኑኒክታኖ ቦጋኒክታዋ።

9 ዋሰናሲክ ንቶትን ዴሱናርነ ፋር ሰንና ንቶክ ቤሰቶናታዋ።

10 እሳ እሳ ሜያ፡- «ጳውሎሰኒ ዋሰያሲክቶ ፋያ ደይ ቸማዋ። ሰኑንታኖ ባር ቴትባሲክ እኖኔን እነ ፊና ካባሲክ ሆፕ ዋሉምባሰ ደይ ካሽሰቶዋ» ይሴት ፊሴቴር ሰናና።

11 ኤሰ ባሮን ይሴፌ አሱኒ ሜያ እንኖ ዋክሶክ ፋጌዶ ዋሰያሲክ ማኬፌኒ ባሬዋ ታእሶኖን ንቶኔን እነ ፋጌዶ ዋሰቴፌኒ ባሬ አሲ ጋነሲ ኦር ኦር ኬሰባ ኣፋ ሰኒባሶን ያዳትሶቶዋ።

12 ሰኑንታኖ ቴትቤሲሶን ጋላቴሴፌ እሳ እሳ አሱኒ ሜያኔን እነ ፋድቶኒክ ወደይ ሆሱኒክ ኣፋ ቸማኒ ዉዛ። ሰኑንታኖ ባሶ ቴትቤሲሶን ዋልግሬ ቴትቤሲሰኔን እነ ማዛናቤሲሲክናዋ ሆሱቤሲሲክና ባሶ ያዳትሴ አሱቴዋ።

13 ሰኑንታኖ እንኖ ንቶክ ካርአንኔን ሀኦሲ እኖክ እምና ዋሰቶሰ ድላክቱ ቴቴፊንታኖ ቴቶኒክ ሾልሰሰታን ደናሎ ኣነ ቴቴፊን።

14 ንቶ ደይ ፋትሰ እንኖ ዋሰቶኒ ድላሰ ሰንና ቦርኣ ክርሰቶሰኒ ሞሰራቹኒ ካማሶን አሱክ ንቶክ ያፊን ካባሲክ ኤሰ ድላሰን ኣነ ኣታ ኬሴንዋ።

15 ኤሰ ባሪ ቦርኣ ሀኦሲ እኖክ ድለራ እምና ድላሰታን ኣታ ኦምን ሜያ ዋሰቴሴቴ ዋሰቶሲክ ኣፋ ቴቶኒዉዛ። ኤሰ ባርሰታን አማንቶኒትሰ ድቻናክናዋ እንኖ ዋሰቶሰ ደይ ሀኦሲ እኖክ ድለና ድላ ንቶ ጋነያሰ ዳይሰራ ታጉናክና አብድ ዛግድፊንዋ።

16 ኤሴ ኦም አሱሳ ዋሰቶኒ ድላሰ ግርራ ዜሞቲ ዋሱሰቴ ዋሰቶሲክ ቴቶናይ ንቶሰታን ኤካሎ ፋሴ ዳሲክቶሴ ሞሰራቹኒ ካማሶን ማኮ ቸማናዋ።

17 ሰኑንታኖ፡- «ቴቴፌ ባር ዳሚሲክ ቴቶዋዋ»።

18 ኤሲሰ ደይ አሰሱ ጋላታ ዳናናክ ቸምፊናሰ ዳሚሰ ባሪን ጋላቴፊና ካባሲክታኖ አሰሱ ባር ባሪን ዋልግሬ ጋላቴፊና

ካባሲክታዎ።

11

ጳውሎስንናዋ ኤሽኒ ዎስኒ ሜና

¹ ጋሮ ጎዋናሶን ታክ ፋኩሶትማቶ አብዱ ዛግፋዉሻዋ፤ አዳራዎ ታን ፋኩትዋ።

² እሳ ዱርባ ናዋ ዱርቡማባሴ ፊን ቴጎሲክ ቴጌቴፋናይሲማቶ ታ ደይ ንቶትን ክርሰቶሰኒክ ቴጌራ ዱሰና ቦርእ ንቶ ችዋሲክ እያናኒ ኮና ኮነፋዉሻዋ።

³ ዛዋሰ ማቶባሲክ ሄዋኖን ዳግሲናሰማቶ ንቶ ሳፋራሰ ደይ አዉዛክነ ማቻራ ክርሰቶሰኒክ ፋ ማእ ደይ ካይማ ሰና አማናምቶኒትሶን ቤያትቶ እያት ድጌፋዉሻዋ።

⁴ እሳ አሱ ንቶኪ ዩሬ እንኖ ንቶክ ማኬኒ ባሮን ሰኖይናሮን ኦም የሱሰኒን ንቶክ ማኬፋናነ ወደይ ንቶ ኤጳ ታት እያናሶን ሰኖይናሮን ኦማ እያና ኤጳ ታሴፋትነ ወደይ ኤጳ ታት ምሰራቹኒ ካማሶን ሰንኖይናሮን ኦማ ምሰራቹኒ ካማ ኤጳ ታሴፋትነ ሻክራ ሜርቴትዋ ኡዋ።

⁵ ሰኑንታኖ ታ ሀን እኝ እኝ ዎስኒ ሜኒ ጋነያሰን እሳ ዉዛክነ ሀቴር ሰንና ታክ ኣነ ቤሰቴፋዋ።

⁶ ዎሉምኒ ቴቶማሲክ አሩ ሰና ቤይፋናክኑ አሩና ኣነ ሀቶዋ። ኤሰ ባሮን ደይ ሾዎ ኡግናክ ንቶክ አምማኖን ክሰራ ማኬኒዋ።

⁷ ታ ሀኡሲ ምሰራቹኒ ካማሶን ዳሞዛ ታክ ካሰቶኖይናሮን ንቶክ ማኮናሴዋ ንቶትን ቴጉናክ ታ ቴታሶን ሀቴሱናሴ አዉዛክነ ቦርእ ሰንና ታይሰታ ፋድቴታሶ?

⁸ ንቶክ ዎሰቶክ ኦማ ቤቴክርሰታኒሲክቶኪን አሪጋሱኒ ዋጋ ኤጵናሲክ ባሶትን ቦኤሻዋ።

⁹ ንቶኔን እነ ፋና ራክኮ ታይሰታ ካርፋና ካባሲክ ሜቀደኒያን ዩሴ አይኒ ሜያ ታክ ሾልሱ ሰና ዉዛ ዙታምባሴ አሲክ አሪጋሲት ፌሴቴር ሰንና ቦርእ ኦኒሰታኑ ኣነ ባእ ሰኑት። ሀሽ ሀውቶኔን ካርእ ንቶሰታ እሳ ዉዛክነ ኣነ ባእ ሰኑት። ሀንኔንኑ ደይ ንቶሰታ ኣፋ ባእ ሰናናዉዛ።

¹⁰ ክርሰቶሰኒ ፋቶሰ ታይሲ ፎባሲክ ቴቶኖይናማቶ ታን ዛጉንዉዛ እካያክ ዳሰታክ ኦኑ ኣፌ።

¹¹ ኤሰ ባር አዉኒ ቦርእንሶ? ንቶትን ሹና ቤይና ቦርእኖሶ? ንቶትን ሹንፋናማቶ ሀኦስ አሪፋዋ።

12 ኤሴ ኦም ዋሲኒ ሜያ፡- «እነኛ ባሶሲማቶ ዋስቴኒር» ይት ቴቴሴፌ ችዋሶን ትሽኩክ ሀሽቲ ዛግት ፋና ባሮን ሀንኔን ደይ ዛጉናዋ።

13 ኤሰ ኤፌቴና አሱኒ ሜያ ክርሰቶሲኒ ዋሲኒ ሜያን ፊር ሰንነ ቤሰቶክ ቴትቤሲሶን ሶልሴፌ ኤሽቱ ዋሲናዋ ኤሽሴፌ ዋስትኛኒ ሜያናዋ።

14 ኤሰ ባር ደይ ዲንቂሱኒ ወዛታዋ፡ ሴጣናሰኑ ቻሬፍኒ ዋሰያ ሰንና ቤሰቶክ ቴትባሶን ሶለርዋ።

15 ኤሰ ባሪ ቦርኣ ሀን ሴጣናሲ ዋስትኛኒ ሜያ ኦኮ ዋስትኛኒ ሜያናን ሰንነ ቤሰቶክ ቴትቤሲሶን ሶልሴፌክ ኣፋ ዲንቅሰሱና ወዛ ሰናናዛ። ኮእባሰታክ ዋስቶቤሲሲ ዋጋኖን ዳኖ።

ጳውሎስ ዋሲ ሰንና ቦርኣ ባሳሰታ ካርኣ ሻና

16 «ኦኒክኑ ታ ጎዋነ ፊር ሰንና ባርክ ቤሰቶናታ» ይራ ሄፕሳ ደይ ማኬፋውኹዋ። ጎዋ ሰንና ንቶክ ቤሰቴፋናክኑ ጋሮኖን ቴቶናክ ጎዋነ ፊር ዛግራ ፋዲትዋ።

17 ኤሲሰማቶ ቴቶክ ማኬፋና ካባሲክ ኤሰ ማኬፋና ባር ዳሚሳ ፍቃድኒማቶ ሰኖይናማቶ ጎዋነ ፊር ሰንናዋ።

18 ሾዋኒ ሜያ አሽኒ ችዋሲክ ቴቴሴፌ ቦርኣ ታ ደይ ቴቴፋን።

19 ንቶ ቴቹምኒት ፋናር ሰኒትማቶ ጎዋኒ ሜያኖን ግራክ ፋኩቲ።

20 ኤሲሰማቶ ኦኑ ንቶትን ቦዝኒማቶ ዛጋናነ፤ ኦኑ ንቶሶን ሜፋናነ፤ ኦኑ ንቶይሶን ባሳር ዛጋናነ፤ ኦኑ ንቶትን ካሸፋናነ፤ ኦኑ ጋችኒትሶን ቦቻናነ ፋክፌት።

21 ታን ኢሹኒር ሰንፋናክኑ ሀን ወዛሲክቶኖን ዛጉክ ችም ሰና ቤይንማቶ ንቶክ እምማኖን ማኮናዋ።

ሰኑንታኖ ኦኑ ችሜ ቴቶኒር ፊፋናነ ታ ደይ ባሳሲማቶ ችማ ቴቶናዋ። ኤሰ ባሮን ይፋናሰ ሀሽኑ ጎዋኒማቶ ሰንናዋ።

22 ባሶ እብራዊኒ ሜያኖሶ? ታ ደይ እብራውዋ። ባሶ እሰራኤልኒ ሜያኖሶ? ታ ደይ እሰራኤላዊዋ፤ ባሶ እብራሀምኒ ዛላሲክናሶ? ታ ደይ እብራሀምኒ ዛላሰንዋ።

23 ባሶ ክርሰቶሲኒ ዋስትኛኖሶ? ታ ደይ ባሶሰታን ደናሎ ክርሰቶሲኒ ዋስትኛዋ፤ ሀን ባሮን ማኬፋናሰ ንፋሶን ፊር ሰንናዋ፤ ባሶሰታን ደናሎ ሾዋ ዋና ዋስቶክ ሆፕን፤ ሾዋ ዋና ታቴን፤ ሾዋ ዋና ሱሰቴን፤ ሾዋ ዋና ክቱታ ካርኣን።

24 እይሁድኒ ሜያ ኡቻ ዋል ሌ ኬዛሰሬ እዝግነ ኬዛሰሬ እዝግነኖን አላንጋክ ታን ሱሰሴቴ።

25 ኬዛ ዋላ ሃሮክ እኛን፤ እሳርጋ ሹእክ እኛን፤ ኬዛ ዋላ ማርካብኒ አዳጋ ታይሰታ ካርእ፤ እሳ ዋልነዋ እሳ ዋንነ ባሪሰታቱ ፋኒ።

26 ኡጉንኒ ኩቴናሲ አታማታክ ዋርእ እካኒ አዳጋ ደይ ቦእኛኒ ሜኒ አዳጋ ታይሰታ ካርእ። አይሁድ ሰና ታ ኬኒሲክንናዋ አዛብኒ ሜያክንና አዳጋ ታይሰታ ካርእ፤ ካታማሰንናዋ ኢቶማ ዳሰ ሲንና ደይ ባርሰታን አዳጋ ታይሰታ ካርእ፤ ኤሲሰማቶ ደይ ኤሽ አማኝኒ ሜያከን አዳጋ ታይሰታ ካርእ።

27 ሾዎ ዋሰቶነዋ ሆፕነ ታይሰታ ፋር፤ ሾዎ ዋና አፋይኒ ቱርኪን፤ ማካክናዋ እካኒ እክታናክና ራካቴን፤ ሾዎ ዋና ሙ ቱርኪን፤ ኮቾነዋ አታቱ ኩቱነ ታይሰታ ካርእ።

28 እማሶኔን ዙትራ ፋዱኖይ ቤቴክርሰታኒሲክቶ ዙታምባሴ አሲ ችዋኖን ዋንና ዋንና ሳፋሮክ ራካቴት ፋናር።

29 እሳ አሱ ሆፕፌና ካባሲክ ታ ደይ እነ ሆፑኖይና ዋና ኣጌነሶ? እሳ አሱ ቦርኣሲክ ቱሳኤፌና ካባሲክ ታ ደይ ሃሮኖይና ዋና ኣጌነሶ?

30 ቱቶክ ሾልሲር ሰንፋናነ ታ ቱቶናሰ ሆፕናሶን ቤሰፋ ወዛሲክቶክዋ።

31 ኮእባ ፎንቶኖን ጋላትባ ፋና ዳምኒ የሱሰኒ አባ ሀኒሲ ታ አፋ ኤሻና ወዛ ሰንናማቶ አርፋዋ።

32 ደማሰኮኒ ካታማሰ ፋና ካባሲክ ታቶ አሬታሰን ሀእሱኒ ሰካሎሰ ፌ አእሲኛሲ ታን ኤጼ ታርእናክ ሾሌፋት ካታማሲ ፍኛኖን ታሶኒ ሜያክ ኦድሰት ፊር።

33 ሰኩንታኖ አሱኒ ሜያ ማሳሲ ዱሰሬ ኦጃሲ ማሰኮትሲ ካሞ ኬሰሴቴን ኤሰ አእሲኛሳ ኩሹሰን ኣታ ኬሰኒ።

12

ጳውሎስኒ ራእ

1 አዉነ ፋሮን ቱቶሰ ኬእና ወዝባ ትሽፋናክኑ ቱቶ ሾልሰፋናነ ዳሚሰ ታክ እምና እምማኖን ቤሰና ወዛሴዋ ራእሴ አሲክ ቱቶናዋ።

2 ክርሰቶሰኒር ሰንና እሳ አሱኒን አሪፋውኛዋ፡ ኤሰ አሱሰ አሲሬ እኞቹ ዋጋኔን ሰናክ ኬሳ ሳማሰታ ኦቴሬ ሀሜ ካርእ፡ (ኦቴሬ ሀምሚናሰ ደይ አሽባሰነንኻዋ ወደይ ኣነቶ? ኣነ አራት፡ ሀኒሰቱ አሪፋር።)

3 ሰነገታኖ ኤስ አሱስ ኦቴሬ ሀምናማቶ አሪፋውኛዎ። አሸባሰነንጃዎ ወደይ አነቶ? አነ አሩት፤ ሀኦስቱ አሪፋር።

4 ባር ኦቴሬ ገነቲ ሀምሜ አሱኒ ካማክ ማክቶክናዎ አሱ ዎሎናክና ችምኖይና ወዛሶን ኦደ።

5 ኤስ ኤፌቴናሰነ ፊ አሱሲክቱ ቴቶና፤ ሰነገታኖ ታ ችዋሲክ ሆፕናሰታን ኦማ ቴቶና ወዝና ኣፋዎ።

6 ኤካኒ ታ ፋቶሶን ማኬፋና ቦርኦ ቴቶናክ ሾሌፋናነ ጎዋ ኣፋ ሰንናናዉዛ። ሰነገታኖ ኦኑ ታይሰታን ቢና ባርሰታንናዎ ታኪን ደይ ኦደና ባርሰታንና ደናሎኖን ግምት እምኖይናማቶዎ እያት ቴቶሶን ቢይፋዉኛዎ።

7 ሀን ታክ እምማኖን ኬሳ ቤስቱ እኛ እኛ ወዛሲክቶታን ካብ ችዋ ቴቴራ ጌእኖይናማቶ አሸናሶን ሴርኒማቶ ኬጅኒ ሻና ታክ እምቱ፤ ኤስ ባር ደይ ሴጣናሲ ዎሲያ ሰንና ታን ኬጅጃ ራክሰት ጌእኖይናማቶ ዛግፋ።

8 ሀን ባር ታይሰታን ካቡናክ ዳሚሲኪ ኬዛ ዎላ ሺጴን።

9 ሰነገታኖ ባር፡- «ታ ሁግናሰ ማእሲራ ነይሰታ ዎሰቶናሰ ነ ሆፕያሲኪ ካዎ ሰንና ቦርኦ ኦቱምናሰ ኔክ ሆሮናዎ» ይ። ኤስ ባሪ ቦርኦ ክርሰቶሲኒ ሁግናሰ ታይሲ ፎናክ ኣኔኑ ሰንፋናክ ሆፕናሲክ ግሬት ቴቶናክ ሾሌፋዉኛዎ።

10 ታ ሁግና ዳንፋናሰ ሆፕፋና ካባሲክ ሰንና ቦርኦ ክርሰቶሰኒክዎ እያት ሆፕፋና ካባሲክ፤ ሜቸፋና ካባሲክ፤ ራካቴፋና ካባሲክ፤ ካቡግቴፋና ካባሲክ፤ ሻና ቢፋና ካባሲክናቱ ግሬፋውኛዎ።

ጳውሎስ ቆሮንጦስሱክ ፊሴ አሱኒ ሜያክ ሳፋሬ

11 ጎዋኒማቶ ሰኒን! ኤካ ሰናናክ ዛጊሰ ንቶዎ፤ ባክ ሰንፋናነ ታ ችዋሲክ ማኮኒሰ ንቶዎ፤ ታ ኦ ሰንናማቶ አሪቶኖይ አሱ ሰኒፋናክኑ አርቶ ይስቱ ዎሰኒ ሜያሰታን እሳ ወዛክኑ ኣፋዎ ሀቶና ወዛ።

12 ታ ፋቶኒ ዎሲ ሰንናሶን አሲፋ ወዛሲክቶ ማላቶሴዎ ዲንቂ ወዛሲክቶን ደይ ቢስቱራ አሪቶኖይ ወዛሴ ታ ንቶ ጋነያሲ ፋና ካባሲክ ፋክያክ ዎሰቴና ዎሰቶሲክቶዎ።

13 ንቶሰታ ባኦ ሰንኖይ ፎናሰታኖ ኦማ ቤቴክርሰታኒሲክቶሰን ንቶትን እዉኪንሶ ሀቴሰናሪ? ኤስ ባር ደይ ማጃሱ ሰንና ቤስቴፋናነ ታክ ፊሹን ኡትዎ።

14 ንቶኪ ዮናክ ሆሬሬ ካቡናሰ ሀኒሰ ኬዝሳዎ። ታ ንቶሰታ ባኦ ሰናናክ አነ ሾሌፋትዎ፤ ታ ንቶኪን ሾሌፋናሰ ንቶትንታኖ ዎግንትሶንታዎ። ናንጎትቤሲሲክ ኦትማ ዙቴሶነክ ሾልሰፋናሰ

ኮኒ አባሰናዊ እንቶሴታኖ ናንጎታሰ ኮኒ አባሲክናዊ እንቶሲክና ኦትማ ኣነ ዙትፋዋ።

15 ንቶ ችዋሲክ ዋግናሶን ኮእባታዋ ቴትናሶንኑ ኣትራ እምፋናነ አካማኖንቱ ታን ግርሰፋዋ፡ ኤካኒ ታ ኤፋሮን ንቶትን ሹናኔን ንቶ ታን ሹናትሰ ኪሰኩኖኖሶ?

16 ኤሰ ባር ሰኑን ሀን ባር ሰኒፋናክ ታ ንቶሰታ ባአ ኣነ ሰኑትዋ፡ ኤካኒ ጃልሱክናዊ ኤሹክና ንቶትን አጃጀናርነ ፋር ሰንናቱ ንቶክ ቤሰቴፋ።

17 ንቶኪ ዋሰኒ አሱሳሰን እሳይሲኪ ካምኑ ኤጳ ታክ ኬእኖሶ?

18 ቲቶ ንቶኪ ዮናክ ሺጶጃዊ፡ ኤሰ አይኒሰን ደይ ባርኔን ኣነ ዋሰኒ፡ ኤካን ቲቶ ንቶኪን ቦኤዎሶ? ታናዋ ባርንና ንቶኪ ዋሰቴኒሰ እሳ እያናሲክታኖሶ? ታሩኒሰ ደይ እሳርታኖሶ?

19 ንቶ ዙታምንትሴ ሀሽኔን ካርአ ሳፋሬት ፋሴትሰ እንኖ ንቶ ሰናክ እንኖ ችዋሲክ ቴትኒሶን ኦዳክ ቱጋኤት ፋኒር ዛግራኖሶ? እንኖ ክርሰቶሰኒሰ ፋፋት ማኬፌኒሰ ሀኦሲ ሰናክዋ። ኮኒታሳክቶኖ! እንኖ ሀን ባርን ዙትራ ማኬት ፋኒሰ ንቶትን ችኑኒክዋ እያትዋ።

20 ታ ንቶኪ ያፋና ካባሲክ አዉዛክነ ንቶ ታክ ሰናትክ ሾሌፋናይሰማቶ ሰንኖይትሮን፡ ታ ደይ ንቶ ሾሌፊትይሲማቶ ሰንኖይናሮን ኡጶኒቶ እያት ድጌፋዉጃዊ፡ ኤሲሰማቶ ንቶኪክ ፋሶ፡ ኮና፡ ግእእ፡ ማኻክ ካቡ፡ አሱኒ ሱንኒ ማጃሱ፡ አሱኒን ሀማቶ፡ ቤጋንቶነዋ ሳሰንነ ፎኒቶ እያት ድጌፋዉጃዊ።

21 ሄፕሳ ዋላ ንቶኪ ያፋና ካባሲክ ሀኦናሰ አዉዛክነ ንቶ ሰና ታን ሳልፕሱኒቶ እያት ድጌፋዉጃዊ፡ ዜሞ ሰናክ ቦርአ ዋሰቴሴሬ፡ ኤሰ ዋሰቴሴቴ ዝናሲክ፡ ጌርኬሴቴ ባርክ፡ ጋፎ ሰናቤሲሲክ ሀርሙ ቤያ አሱኒ ሜኒ ቦርአ ሱሞናትቶ እያቱ ድጌፋዉጃዊ።

13

ኮእኒ ኪቶነዋ ናጋን አሾነ

1 ኤሴ ንቶኪ ሀኒሰ ኬዘሳ ዋል ሌ ዮናዋ፡ ኣጌኑ ችዋ ዙታምባሴ ፋቶ ሰንኖማቶ አሪቴፋናሰ ሄፕ ወደይ ኬዘ ዛልንክዋ።

2 ሄፕሳ ዋላ ንቶትን ብያናክ ያና ካባሲክ ቴትንትሶን ኦዳትክ ማኬራ ፋናር፡ ሀሽኑ ደይ ዎክሶክ ፋፋት ዜሞቲ ቦርአ ዋሰቴ ባሶክናዊ ኦምን ሜያክና ቴትቤሲሶን ኦዶሶነክ ማኬፋውኻዊ፡ ሀሽ ንቶክ ዋላ ያፋና ካባሲክ ኦንክኑ ኣፋ ኬናሽቶና ዉዛ።

3 ኤሲስ ደይ ታክ ካሞ ማኬፌስ ክርስቶስ ስረባሶን ጋሳሱክ ሾሎንትሲክዋ። ባር ንቶ ጋነያሲ ሁግናባ ፌናርቴና ሆፕቴዋ።

4 ባር ማሰቃልሰታ ሱቴሬ ክትናሰ ሆፕያክ ሰረፋናክኑ ሀሽ ሀኦሲ ሁግናክ ሀየዉ ሰንነ ፌዋ። እንኖ ደይ ባርኔን እነ ሆፕ ሰረዋ፤ ሰኑንታኖ ንቶኔን እነ ፋ እሳርኒሲክ ባርኔን እነ ሃየዉ ሰንና ፎኒርዋ።

5 አማንቶኒትሲክ ዛግ ሰረትሶን አሩሶትክ ቴትንትሶን ቢትዋ፡ ቴትንትሶን ፋታኖት፡ የሱስ ክርስቶስ ንቶስ ፌናማቶ እነ ጋሳሱዌትኖሶ? ኤስ ባር ሰንና ሻካናነ ፋታናሲክ ጋነደትዋ ኡዋ።

6 እንኖ ፋታናሲክ ጋነዶ ቤይንሶን ጋሳሱትማቶ አብድ ዛግፊንዋ።

7 ማቶ ዉዛ ዛጉኖይትማቶ ሀኦሲክ ሺጶፊንዋ፡ ኤስ ሺጶፊኒስ ደይ አዉነ ፋርን እንኖ ችሞ ሰንና ቤስቶ ቤይፊንክኑ ንቶ ዎንና ዎንና ማእሪ ሰንና ዉዛሶን ዛጉሶትክታኖ እንኖ ችሞ ሰረሶን ንቶክ ቤሱንክታዋ።

8 እንኖ ፋቶኒ ችዋሲክቴ ዎሰቴፊንታኖ ፋቶሰኔን እነ እሳር ሰኖይዉዛ እነ ዎሰቴፊን።

9 ሰኑንታኖ እንኖ ሆፕ ሰረፋን ንቶ ችሞ ሰንነፊት ካባሲክ ግሬፊንዋ፡ እንኖ ሺጶስ ንቶ ዮኡንቲ ፎንቶ ሰንናትክዋ።

10 ሀን ዎሲያሶን ንቶሰታን ዎካ ፋጌዶ ትቶናሰ ኤስ ባሪ ቦርአዋ፡ ኤስ ባርኪ ታ ንቶኪ ያፋና ካባሲክ ዳሚስ ታክ እማና ሀኦሲ ሁግናሲክ ንቶትን ኣፋዋ ራክሱናዉዛ፡ ዳሚስ ሀኦሲ ሁግና ታክ እምናሰ ንቶትን ችኑናክታኖ ንቶትን ቦጋናክታዋ።

11 ኮእባሰታክ አይታሳክቶኖ! ማርአቻዋ፤ ፋቲ ፎንትሶን ማእሱትዋ፡ ኪቶናሶን ኤጶቶት፡ ንቶትና ንቶትና እሳር ሰንቲ፡ ናጋክ ደይ ፎሶቲ፡ ኬሽታን ሀኦሲዋ ናጋን ሀኦሲ ንቶኔን እነ ሰናና።

12 ኮርቶ ዳሞክ ዎል ዳሜሴት ናጋ አሾሶቲ፡

13 አማኝኒ ሜያ ዙቴሬ ናጋ ንቶክ ዎሰሴቴ።

14 ዳሞኒ የሱስ ክርስቶስኒ ኦትማሰ፡ ሀኦሲ ኬሽታና፡ ኮርቶ አያናሰ እሳር ሰንና ንቶ ዙታምንትሰኔን እነ ሰንፋውቻዋ።



The New Testament in the Yemsa language of Ethiopia, Ethiopic script

copyright © 2025 The Word for the World International

Language: (Yemsa)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-06

PDF generated using Haiola and XeLaTeX on 5 May 2025 from source files dated 6 May 2025

03dcb1ff-0ef6-5f0e-a777-31ea8d578ea7